

ՏԱՐԱԳԻՐ ՀԱՅԻ ԿԵՐՊԱՐՆ Ա. ԱՅՎԱՋՅԱՆԻ
ՍՏԵՂԾԱԳՈՐԾՈՒԹՅՈՒՆՆԵՐՈՒՄ*

Անուշ Լալայան

Անվանի գրականագետ Մ. Մ. Բախստինը՝ Դոստուսկու ժառանգությունը քննելիս եկել է այն հետևողաբան, որ Դոստուսկին գաղափարների իր կերպարները երբեք ոչնչից չի ստեղծել, «Երբեք դրանք չի հորինել», ինչպես որ նկարիչը չի հորինում իր պատկերած մարդկանց. նա կարողանում էր նրանց լսել կամ կրահել առկա իրականության մեջ[1]: Նույն կարելի է ասել նաև Այվազյանի մասին: Նրա յուրաքանչյուր կերպարը իր նախատիպն ուներ՝ սկսած ինքնակենսագրական «Եռանկյունին» վիպակից: «Միջանցահովիկ», «Ուղեցուց թիֆիս քաղաքի, 1912 թվական», «Սատանայի օգնությունը» և շատ այլ ստեղծագործություններ անուղղակի կերպով գրողի կենսագրության մի թեկողը կարելի է համարել: Ու իրականում գեղարվեստական երկն ազդու և հետաքրքիր է, երբ իրականության ընդարձակ է: Սակայն ինչպես գրականագետներ Ողնե Ուելլեքն և Օսթին Ուորենն են ասում՝ «Ակներևորեն կեղծ է ողջ այն տեսակետը, որ արվեստը մաքուր և պարզ ինքնարտահայտություն է, անծնական զգացմունքների ու փորձի վերարտադրում»[2]: Գեղարվեստորեն շարադրելու ճանապարհին գրողը, ինչպես բոլոր արվեստագետները, սեփական հույզերը և ընկալումներն են ամփոփում երկի մեջ՝ գրավիչ և հյուրեղ դարձնելով այն:

Սղասի Այվազյանն այն սերնդի ներկայացուցիչներից է, ով ուղղակի կամ անուղղակի կերպով կրել է անցած դարի՝ Հայաստանի համար պատմական նշանակություն ունցող երեք խոշոր տառապալից հրադարձությունների կնիքը: Նրա ստեղծագործություններում արտացոլվում են հայ ժողովրդի լամքի վերջին շրջանում տեղի ունեցած հրադարձությունների իմաստավորումն ու հաշվեկշիռը: Գրողի հայրը զաղթել էր Էրզրումից՝ չարաքաստիկ ոճրագործության զոհը դարնայով, երբ բարոյական պատիժը և օտարության մեջ մի կտոր հաց վաստակելու խնդիրը երկար հետապնդում էր հուսալքած Այվազյան ընտանիքին: Ապա վրա հասան քառասնական թվականների տառապալից հրադարձությունները: Հայ մտավորականությունը կուլ էր գնում Բերիայի և Ստալինի բռնատիրական արարքներին, 1988-ից այս կողմ Սումգայիթի և Բաքվի ոճրագործությունները, Խորհրդային Սիության վիլուգումը, որին էլ հաջորդեց Արցախյան պատերազմը:

Սարդասիրության կատարյալ դրսևորում է Ա. Այվազյանի «Կիրակոսը» պատմվածքը: Այվազյանի հումանիզմը (մարդասիրություն) ենթադրում է մարդու էքսիկական տեսակի, նրա մշակութային արժեքների ճանաչման, պահպանման սկզբունքները: Որևէ ազգի մշակույթի նկատմամբ ցանկացած ուսնագույն ուղղված է համայն մարդկության հոգևոր արժեքների ոչնչացման դեմ: Մարդու բնության ու բարոյականության հարցերը դիտարկվում են մարդու իմնահարցի տեսանկյունից: Կիրակոսի կերպարի տակ, ինչպես տեսնում ենք, Այվազյանը բնավ չի շեշտադրել հայեցողական ու կրավորական լամքով ապրող և ճգնավորական բարոյականությամբ առաջնորդվող մարդու կերպարային իմաստն: Այստեղ առկա է համբնդիանուր բարոյական սկզբունքների պահպանման գաղափարը, որը բնորոշ է հումանիստական փիլիսոփայությանը:

* Հոդվածն ընդունվել է 25.03.2015:

Հոդվածը տպագրության է երաշխավորել թ.գ.դ., պրոֆ. Վ.Եղիազարյանը:

Նախաձիրից մազապուրծ հայ ընտանիքները նոր ապաստարան էին փնտրում աշխարհի տարրեր ծայրերում, ապա անցնում հոգեբանական և ֆիզիկական փորձությունների թիրախով: Խոհակիլիխոտփայական «Կիրակոս» պատմվածքում արծարծված հարցերը մարդասիրական խնդիրների շուրջ են: Մարդկությունը ամբողջական մի մարմին է և այդ ամբողջի դեմ մեղանչելը կորուստ կամ ցավ է մարմնի յուրաքանչյուր անդամի համար: Մեծ ու փոքր մեղքերը բուներանգի անդրադարձումն ունեն և վաղ թե ուշ հարվածում են հակադարձ ազդեցության ուժով: Կիրակոս ասվածը, եթե մեկի համար խիշճն է, մյուսի համար՝ Աստված է, երրորդի համար՝ Ենթագիտակցություն: Կյանքի կիրակոսան փիլիխոտփայությունը հետևյալն է՝ Կիրակոսը սկզբում մի հոգի էր, հետո երկու հոգի դառավ, ապա երեք, չորս և այսպես շարունակ: Մարդիկ շատանալով՝ տեղավորվեցին բոլորին մեջ առանձին-առանձին: Եվ որքան շատանում են մարդիկ, այնքան առաջին մարդու վիճակը վատանում է, քանի որ վատությունն էլ միջյանց նկատմամբ շատանում է: Սովորական մահկանացուներին, սակայն, տրված չէ ընկալելու այդ մեծ գաղտնիքը: Եվ որքան շատ պետք է տանջվեն այն անխելքները, ովքեր 1915-ին վնասվածք են հասցել Կիրակոսի մարմնին:

Ինչպես շատ պատմվածքներում, այնպես էլ այստեղ Այվազյան արձակագիրը երբեք չարությամբ չի լցված թշնամի ասածի նկատմամբ, եթե նույնիսկ նա արյունարրու, քարբարու թուրքն է: Թշնամու կերպարը հեղինակը խիստ գույներով չի պատկերում: Ելենիկ աստվածասիրության և մարդասիրության մեծ զգացմունքներից՝ հեղինակը խաղաղ ապրելու բանաձևն է ուրվագծում: Կոչ ուղղում համայն մարդկության՝ անտարբեր չլինել անդիանուր ցավի ու կորստի նկատմամբ: Կորնական տեսակետից ներելու համար առաջին պայմանը խոշակն է. եթե սկսեցիր խոշակ դիմացինիդ, ապա նաև կսիրեն մրան: Այդպես էլ վարվում են Այվազյանի հերոսները՝ «Սկզբում խոշացին Չինգիզ խանին, որ առանց հասկանալ ու իրեն է վնաս տվել, հետո խոշացին Աղա Խանին, որ էլի իրեն է վնաս տվել, և ինչ քան պետք է դեռ տառապի, խոշացին, խոշացին...»[3]: Կիրակոսի հոգու մի պատառիկն ունի նաև թուրքական ներկային կառավարությունը, որ չի կարողանում ծերբազատվել մեղքի ծանր կապանքներից: Ինքնախաբեռությամբ տառապող ազգը խարիսափում է հոգեմաշ ցավից, քայլ սպեղանին գունել չի կարողանում: Եվ որպես հիվանդագին պաշտպանական ռազմավարություն, շարունակվում է այս կամ այն ծնով ազդել էրեսուի ու նրա առանձին անհատների վարքագծի վրա:

Ա. Այվազյանն իրապես փնտրում է նոր մարդ, նոր բնավորություն, ազատության նոր մղումներ: Այս փնտրությունը ճանապարհին նրա գրից հոռեւտեսության մարմակաղապարը չի կրել երբեք, հակառակը, պարուված էվոլունիստական հայացքներով, համոզել է, որ նախավերաբերմունքը, նախահայացքը ճակատագրական է ցանկացած գործի ու երևոյթի առանցքում: Ահա թե ինչու Սեղրակը, Փեփոն, Կարապետը («Կրվարաբներ») իրենց տրամաբանական համոզիչ, քայլ միաժամանակ զգարձալի պատախանն ունեն: Լակոնիկ, ողբերգակոմիկական այս փոքրիկ պատմվածքը պատկերելով՝ Այվազյանն առանձին հայերի՝ իրենց բնավորության յուրատիպ գծերով մնկուելու է հավաքական կերպարի մի բնորոշ կողմ ևս՝ ներքին դգորհությունը, անբավարարվածության, թերարժեքության զգացողությունը:

Պատմվածքի հերոսները թուրքի յարադանից փախել, եկել ծվարել են իրար գլխի: Նրանք մի ընտանիքի անդամներ են և ապրում են միասին, միևնույն հարլի տակ: Սակայն իսկապես կրվարաբներ են, մարդիկ, որ առիթ չեն փախցնում իրար կծու խոսք ասելու, խայթելու, քայլ իրականում իրար իետ կապված են քնքուշ ու հուզիչ սիրով, զարմանալի հոգատարությամբ: Նրանք լիարյուն խոր և հարուստ ներաշխարհ ունե-

ՄԵՍՐՈՊ ՄԱՆՏՈՎ ՀԱՍԱԼԱՐԱՆԻ ԼՐԱՏՈՒ 2015

ցող անհատներ են, որոնց խորթ են հոգեբանական բռնագրոս ապրումներն ու շինժու հոգեվիճակները: Անգամ առօրյա փոխսհարաբերություններում՝ ամենասովորական թվացող արարդների մեջ էլ երևում են բնավորության ողջ բարդություն:

Պողոս պապն ասում է.

-Ինչի՞ կաշեք վրաս...

Հորեղբայրներս իրար նայեցին:

-Հե՞ չ,- ասաց հայրս:

-Ինչը՞ ի՞նչ... ուրեմն ես աշելու բան չե՞՞մ:

-Ինչի՞ ... աշելու ես..., -կմկնաց Կարապետը:

-Աշելո՞ւ եմ..., աչքերը ոլորեց Պողոս պապս..., -աշելո՞ւ եմ... ի՞նչ է կապի՞ կ եմ, որ աշելու եմ...: Եվ մեր առաջ կանգնում է Պողոս պապը՝ «տախտակի ծայն հանող նիշիար ու չոր կրծքով»[4], որ եփվում է իր մեջ, ուզում է խոսել, առիթ է որոնում վեճի բռնվելու, կրվելու համար: Այսպես են նաև պապի որդիները, Փեփո հորաքույրը:

«Մե մ, հարցնող էղի ինչի կը ովիր...», -հարցնում են նրանք իրար: Եվ ահա թուրքի յաթաղանից մազապուրծ եղած այս մարդիկ, ազնիվ, ուրիշի ունեցածին ու հայրենիքին աչք չդրած, ռանչպար մարդիկ հանկարծ գտնում են պատասխանը՝ պարզ ու հասրակ, բայց և իմաստուն պատասխանը.

-Աւելություն է հավաքել մեր մերսըդին...

-Հազար տարի մեզ մորթել եմ. որու մեղքա է...

-Ծըբը ո՞ր տանինք, ո՞ւ վրա խարծենք այդքան ատելությունը...[5]

Հանգամանքների հոգեբանական գունավորումներով ու մարդու մեջ մարդկայինն ընդգծելու առումով հետաքրքիր է կերպավորված «Կիրակոս» պատմվածքի Կիրակոս-խիդա ենթագիտակցությունը, որի հեռագացողությունն ընթերցողին պարուրում է զգայական ընկալման օբյեկտիվ շտրիխներով: Ֆելիքս Մելոյանը պատմվածքի շուրջ քննարկման մեջ զգայական ընկալումը դիտարկում է որպես բնագդային երևոյթ: Բնագդ որակումն այստեղ տեղին է այն առումնվ, որ երևոյթը ինքնին պահի թելադրանք է, ենթագիտակցորեն արտահայտված: «Բացահայտել հայ մարդու ազգային հոգեբանության բնորոշ կողմերը, նրա բնագդային դրսևորումները, -այսպիսինն է «Կրվարարների» հեղինակային միտումը, այդ ընթացքում է իրագործվում Ավագյան գրողի ինքնարբացահայտումը»[6]:

Կառուցվածքային առումով պատմվածքը բարդ է: 1982թ. Նոր տարուն հեղինակի ընտանիքն ուներ քսանյոթ անդամ: 1916 թվականի Ամանորին դարձան երեք հոգի, 1920 թվականին մնացել էր միայն մեկը և «մեկն էր ինքն իր Նոր տարուն շնորհավորել»: Հշում էր նաև, որ Ամանորին մորք շնորհավորելու է եկել ինչ-որ տեղից հայտնված հայրը՝ զաղթականը շնորհավորել է զաղթականին: Հետո զայիս են հնոցապանը, բժիշկը, դարձում են չորս հոգի: Ոչ միայն հեղինակը, այևս՝ մայոր նիրվանային երկինքներում են թախտում, աստիճանաբար միասնանում են, շատանում: Չորս հոգի են, և այդ չորսն էլ աշխատում են միայն միջև եղած տարածությունը հեռացնել, որը մարդուն իր սկզբունքներից խորթացնող, փախստական դարձնող տարերք է. «Բոլոր մարդիկ տարածություն են պահպանում, -մտորում է հեղինակը, - Ամբողջ աշխարհն այդպիսի տարածություններով է իրար միացած, սուսնձված: Սարդ, նույնիսկ տարածություն է ստեղծում իր և իր միջևն»[7]: Իսկ, տարածությունները կրծատելով, մարդիկ միասնանալով երջանկանում են: Ու հեղինակը հանգում է այն համոզնան, որ բոլորի մեջ կիրակուներ կան. «Մի հոգին երկուս է դարձնում, երկուսը՝ չորս, չորսը՝ հարյուր... Բոլորից առաջ եղել է մի մարդ: Հետո այդ մարդը սկսել է բազմանալ... մարդիկ շատացել են...»

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2015

իսկ ինքը տեղավորվել է բոլորի մեջ առանձին-առանձին... Դա Կիրակոսն է... Բոլորի մեջ կիրակոսներ կան, ինչքան մարդիկ շատանում են, այնքան առաջին մարդուն վիճակը վատանում է... Մարդիկ մոռանում են, իրար չեն հասկանում, իրար ուրիշ են համարում, նույմիսկ թշնամի, իրար բգկուում են... Կիրակոսը ներսից գոռում է՝ վատություն մի անի ուրիշին, դա ես եմ, այսինքն՝ դու ես... Հասարակ հաշիվ է...» [8]:

Փոքրիկ, ոչ սյուժետային այս պատմվածքներում, Աղասի Այվազյանը նկարչական խոսուն երանգներով պատկերել է մեր ազգային բնավորության յուրահասուուկ կողմերը: Հավաքական կերպարի ստեղծման իր մեթոդը՝ ազգային բնավորության բնորոշ գծերը ցույց տարբեր հերոսների մեջ և այնուհետև, դրանք հիմնական գծերով միացնելով, ստեղծել հայի խտացված կերպար: Անեն մի հայի հոգում մի խեղճ Կիրակոս է նստած, որը շշնջում է նրա ականջին՝ մի խառնվիր, վատություն մի արա, վատություն անողի համար ավելի վատ, նրան պետք է խոճալ՝ «բոլոր մարդիկ քո եղբայրներն են, հավատա բոլորին, հավատա»:

Իրարամերժ մարդկային որակներով, հակասություններով լի է Այվազյանի ստեղծած հայի կերպարը: Հայի հայրենիքը Հայաստանն է: Բայց յուրաքանչյուր հայ սրտի խորքում ցանկություն ունի ապրելու Եվրոպայում, Ամերիկայում, Ռուսաստանում: Զարմանալին այն է, որ այդ հայը ինքնադրուսորվում, կայանում է հենց հայրենիքից դուրս: Ի պատասխան այս երևույթի՝ Այվազյանն իր տեսակետուն է հայտնում. «Եվ պատասխանը գրեթե միշտ նույնն էր՝ մարդու հժվար է ինքն իր հետ լինել: Թե ուզում ես ձանաչել դիմացինիդ, նախ պետք է ձանաչես ինքը քեզ: Երկիրդ, պատմություններ, մշակույթ, այս ամենը տեսնելն ու հասկանալը ինքը քո միջով՝ բարդ է և դժվար է» [9]: Որոնումների, փնտրությունների մեջ է հայտնվում հայը և իր հաստատուն տեղը փողծում գտնել կյանքի հորձանութում: Հախուրն բնավորությունները համատեղ չեն գոյատևում: Նաև իր տեսակի բացարիկությունը ընդգծելու համար նախընտրում է հաստատվել երկրից դուրս: Գեղարվեստական նյութն այստեղ շոշափելիորեն նոյնացված է իրականությանը, և բարոյականություն կամ ազգային բնավորության հասունություն ասվածը հարաբերական հասկացություն չէ, այլ ճշգրիտ արժեք:

Կիրակոսի կերպարն արդիական է հատկապես Եղեռնի 100-րդ տարելիցի ու 21-րդ դարում մարդկային հարաբերությունների համապատկերի վրա: Անհանգիստ է Կիրակոսի կերպարը, որի ենթատեքստում սոսկ ազգային ողբերգությունը չէ: Այստեղ արկա է խորը մարդասիրության ներքին մղումը, որ ավելի շատ համամարդկային արժեք է կրում իր մեջ:

Հիրավի, Կիրակոսի կերպարը Հայոց մեծ անհատական ընդվզման այվազյանական մոտեցման խտացումն է, դեպի գերմարդկայինի հաղթանակը: Սա է ստեղծագործության գաղափարական կողմն ու իդեալը: Ու այդ իդեալը բացարիկ է այնքանով, որ ընդվզումը մեծ ոճիրի դեմ՝ ի հակակիր թուրքական կարավարության արդեն համախտանիշ դարձած հայկական թարուի, մեծ ոճիրի դեմ դրսնորված ժխտողականության, արտահայտված է խղճի մեխանիզմի ու խորը մարդասիրության արտացղմանը: Վերջինս ապաշխարման և հոգեփոխության խորհուրդ պարունակող երանգ ունի, ինչը պահանջված ու հնչել է հատկապես մեր օրերում:

ԾԱՆՈԹԱԳՐՈՒԹՅՈՒՆՆԵՐ

1. Բախտին Ա. Մ., Դուստուկու պոեզիայի հիմնախնդիրները, Ստեփ., 2010, էջ 80:
2. Ուելլեք Ռընե, Ուորենն Օսթին, Գրականության տեսություն, Եր., 2008, էջ 105:

ՄԵՄՐՈՊ ՄԱՀԾՈՅՑ ՀԱՍԱՏԱՄԱՐՄԻ ԻՐԱՏՈՒ 2015

3. Այվազյան Ա., Եռանկյունին. Վիպակներ և պատմվածքներ, Եր., 1983, էջ 363:
4. Նույն տեղում:
5. Նույն տեղում:
6. Գարուն, 1969, N1, էջ 90:
7. Այվազյան Ա., Փառահամար, Եր., 1973, էջ 4:
8. Նույն տեղում:
9. Այվազյան Ա., Փառահամար, էջ 4:

ԱՄՓՈՓԱԳԻՐ

**Տարագիր հայի կերպարն Ա. Այվազյանի ստեղծագործություններում
Անուշ Լալայան**

Սույն հոդվածում ներկայացված են Այվազյանի այն ստեղծագործությունների կերպարային համակարգն ու սյուժեի գաղափարական կողմը, որոնք առնչվում են տարագիր հայի ձակատագրին: Կիրակոսի կերպարով Այվազյանը ներկայացնում է տարագիր հայի ողբերգությունը, այն հայի ուժ մեջ կուտակվել է հայրենիքի կորստի ցավը, որի հիշողության խորխորատներում թանձր նստվածք է տվել բարբարոս ազգի դաժանությունները, եղեանի սահմանեցուցիչ տեսարանները:

Կիրակոսի կերպարի տպավորիչ գոյմերով Այվազյանն ընդգծում է ոչ միայն հայի՝ որպես էթնոկիր անհատի, այլ պարզապես մարդու գոյաբանության իմաստավորված արժեքը, կյանքի ճշմարիտ խորհուրդը:

Թանալի բառեր՝ ՚իիդմ, տարագիր հայ, գոյաբանական արժեք, ենթագիտակցություն, ազգային ողբերգություն, ձակատագիր, ներաշխարհ, ապրելու բանաձև:՝

РЕЗЮМЕ

**Образ эмигранта-армянина в произведениях А. Айвазяна
Ануш Лалаян**

В данной статье представлены система образов и идеинная сторона сюжетов тех произведений Айвазяна, которые соприкасаются с судьбой армянина-эмигранта. В образе Киракоса Айвазян показывает трагедию армянина-эмигранта, в котором накопилась боль потерянной родины, в памяти которого оставили глубокий след душераздирающие сцены и жестокость варварской нации.

Ярким образом Киракоса Айвазян подчеркивает армянина не только как этническую личность, но и его возрождение, осмыслиенные ценности справедливых жизненных советов.

Ключевые слова:-сознание, армянин-эмигрант, ценность существование, подсознание, национальная трагедия, судьба, внутренний мир, формула жизни.

SUMMARY

The character of an outcast Armenian in A. Ayvazian's works

Anush Lalayan

The article presents a character system and an ideological part of those works of Ayvazian are presented which deal with the fate of an outcast Armenian. By the character of Kirakos, Ayvazian presents the tragedy of the outcast Armenian who suffers from the pain of the lost homeland. The barbaric atrocities of the nation, the terrible scenes of the genocide gave sediment in the rift of that Armenian's memory.

With impressive colors of Kirakos' character, Ayvazian underlines not only the Armenian as an ethnic individual, but simply the meaningful ontological value of the human person, the true sacrament of life.

Keywords: *an outcast Armenian, conscience, ontological value, subconsciousness, national tragedy, fate, inner world, formula of living.*